




«ԷՅՎԻՍԻ ՔՈՆՍԱԼԹԻՆԳ ԸՆԴ ԱՈՒԴԻՏ» ՍՊԸ

«ՆՈՐ ԶՈՎՔ» ՍՊԸ

ԱՆԿԱԽ ԱՈՒԴԻՏՈՐԻ ԵԶՐԱԿԱՑՈՒԹՅՈՒՆ

2022Թ. ԴԵԿՏԵՄԲԵՐԻ 31-ԻՆ ԱՎԱՐՏՎԱԾ ՏԱՐՎԱ ՎԵՐԱԲԵՐՅԱԼ



**ԵՐԵՎԱՆ
ՀՈՒՆԻՍ-2023թ.**

«ԷՅՎԻՍԻ ԲՈՆՍԱՎԼԹԻՆԳ ԸՆԴ ԱՈՒԴԻՑ» ՍՊԸ



ՀՀ, ք Երևան Նուբարաշեն, 10 փող, տուն 6
ՏԳՀ, Երևան, Մյասնիկյան պողոտա 5/1
Հեռ: (010) 57 28 46
ԱՈՒԴԻՑՈՐԱԿԱՆ ԳՈՐԾՈՒՆԵՈՒԹՅԱՆ ԼԻՑԵՆԶԻԱ 048,
ՏՐՎԱԾ ՀՀ ՖԻՆԱՆՍՆԵՐԻ ԵՎ ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ
ԿՈՂՄԻՑ -02.08.2006թ ԱՆԺԱՄԿԵՏ
«ՀԱՅԱՍՏԱՆԻ ԱՈՒԴԻՑՈՐՆԵՐԻ ԵՎ ՓՈՐՁԱԳԵՏ ՀԱՇՎԱԳՆՆԵՐԻ ՊԱԼԱՏ» ՀԿ ԱՆԴԱՄ,
ԳՐԱՆՑՄԱՆ ԱՄՍԱԹԻՎ 2020Թ. ԴԵԿՏԵՄԲԵՐԻ 29, ՀԳԳՀ 1 20 0440

ԱՆԿԱԽ ԱՈՒԴԻՑՈՐԻ ԵԶՐԱԿԱՑՈՒԹՅՈՒՆ

*Ներկայացվում է «Նոր Չովք» սահմանափակ
պատասխանատվության ընկերության մասնակցին*

Կարծիքից հրաժարում

Մենք հրաժարվում ենք կարծիք արտահայտել «Նոր Չովք» ՍՊԸ-ի ֆինանսական հաշվետվությունների վերաբերյալ, որոնք ներառում են 2022թ. դեկտեմբերի 31-ի դրությամբ ֆինանսական վիճակի, նույն ամսաթվին ավարտված համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից հաշվապահական հաշվառման քաղաքականությունը և այլ ծանոթագրություններ:

Կարծիքից հրաժարման հիմքեր պարագրաֆում նկարագրված հարցի նշանակալիության պատճառով մենք չենք կարողացել ձեռք բերել բավականաչափ և համապատասխան աուդիտորական ապացույցներ, որոնք բավարար հիմք կհանդիսանային աուդիտորական կարծիքի համար: Հետևաբար, մենք չենք արտահայտում կարծիք:

Կարծիքից հրաժարման հիմքերը

Ընկերության կողմից մեզ չեն տրամադրվել աուդիտի ենթարկվող ժամանակաշրջանի 2022թ. ֆինանսական հաշվետվությունների միջազգային ստանդարտներին (ՖՀՄՍ) համապատասխան պատրաստված տարեկան ֆինանսական հաշվետվությունները և ակտիվների ու պարտավորությունների 2022թ. տարեկան գույքագրման արդյունքները, հաշվետու 2022թ. դեկտեմբերի 31 ժամանակահատվածի, հաշվետու ժամանակահատվածին նախորդող 2021թ. և հաջորդող մինչև 2023թ. հուլիսի 1-ը ժամանակահատվածին վերաբերող սկզբնական հաշվառման փաստաթղթերը, ներառյալ Ընկերության հաշվապահական հաշվառման (սինթետիկ և անալիտիկ) էլեկտրոնային բազան, որոնք ի թիվս աուդիտի համար էական նշանակություն ունեցող այլ փաստաթղթերի 2023թ տարեկան գրին ազդրաված են եղել ՀՀ քննչական կոմիտեի կողմից քննչական գործողությունների իրականացման արդյունքում, աուդիտորական առաքելության ընթացքում հասանելի չեն եղել Ընկերությանը, հետևաբար, նաև չեն տրամադրվել Աուդիտորին սահմանափակելով աուդիտորական գործողության շրջանակը:

Ղեկավարության պատասխանատվությունը ֆինանսական հաշվետվությունների համար

Ընկերության ղեկավարությունը պատասխանատու է ֆինանսական հաշվետվությունների միջազգային ստանդարտների համաձայն ֆինանսական հաշվետվությունների պատրաստման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ՝ զերծ խարդախության կամ սխալների արդյունքում առաջացած էական խեղաթյուրումներից:

Աուդիտորի պատասխանատվությունը համախմբված ֆինանսական հաշվետվությունների աուդիտի համար

Մենք պատասխանատու ենք աուդիտի միջազգային ստանդարտներին համապատասխան մեր կողմից իրականացված աուդիտի հիման վրա նշված ֆինանսական հաշվետվությունների վերաբերյալ մեր արտահայտած կարծիքի համար: Այդ ստանդարտներով պահանջվում է աուդիտը պլանավորել և անցկացնել՝ ֆինանսական

հաշվետվություններն էական խեղաթյուրումներից զերծ լինելու վերաբերյալ ողջամիտ երաշխիքներ ձեռք բերելու նպատակով:

Աուդիտորական աշխատանքները ներառում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների և սխալների հետևանքով ֆինանսական հաշվետվություններում էական խեղաթյուրումների առկայության ռիսկերի վերաբերյալ աուդիտորական գնահատումներից: Ռիսկերի գնահատումները կատարելիս՝ աուդիտորը մշակում է համապատասխան ընթացակարգեր՝ ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության գնահատման, այլ ոչ թե Ընկերության ողջ ներքին վերահսկողության արդյունավետության վերաբերյալ կարծիք կազմելու համար:

Աուդիտորական աշխատանքները ներառում են նաև կիրառված հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ ձեռք ենք բերել բավականաչափ համապատասխան աուդիտորական ապացույցներ մեր կարծիքն արտահայտելու համար:

06 հուլիսի 2023թ.

Գլխավոր տնօրեն

Աուդիտոր



Մ. Պետրոսյան

Ա. Մխիթարյան